

Broj: 03-02-35-1/2023  
Sarajevo, 25.02.2025. godine

**PARLAMENT FEDERACIJE BOSNE I HERCEGOVINE**

- Predstavnički dom –  
Gosp. Dragan Mioković, predsjedavajući ✓

- Dom naroda –  
Gosp. Tomislav Martinović, predsjedavajući

Poštovani,

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO B

Primijeno: 26-02-2025

Org. jed.	Broj	Priloge	Vrijednost
01,02	-02-	595	25

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa članom 172. stav (1) Poslovnika Predstavničkog doma Parlamenta Federacije BiH („Službene novine Federacije BiH”, br. 69/07, 2/08, 26/20 i 13/24) i članom 164. stav (1) Poslovnika o radu Doma naroda Parlamenta Federacije BiH („Službene novine Federacije BiH”, br. 27/03, 21/09, 24/20 i 60/24), radi razmatranja i usvajanja po skraćenom postupku, dostavljam Vam **PRIJEDLOG ZAKONA O IZMJENAMA I DOPUNAMA ZAKONA O DOPRINOSIMA**, koji je utvrdila Vlada Federacije Bosne i Hercegovine na 48. sjednici, održanoj 25.02.2025. godine.

Prijedlog zakona se dostavlja na službenim jezicima i pismima Federacije Bosne Hercegovine u printanoj i elektronskoj formi (CD).

Istovremeno molim da, u skladu sa čl. 99. i 100. Poslovnika Predstavničkog doma Parlamenta Federacije BiH („Službene novine Federacije BiH”, br. 69/07, 2/08, 26/20 i 13/24) i čl. 89. i 90. Poslovnika o radu Doma naroda Parlamenta Federacije BiH („Službene novine Federacije BiH”, br. 27/03, 21/09, 24/20 i 60/24), Prijedlog zakona o izmjenama i dopunama Zakona o doprinosima - skraćeni postupak, uvrstite u Prijedlog dnevnog reda prve naredne sjednice Predstavničkog doma Parlamenta Federacije BiH i u Prijedlog dnevnog reda prve naredne sjednice Doma naroda Parlamenta Federacije BiH.

S poštovanjem,



Prilog: - Prijedlog zakona na bosanskom jeziku (CD),  
- Odredbe Zakona koje se mijenjaju i dopunjuju  
- Zakon o doprinosima („Službene novine Federacije BiH”, br. 35/98, 54/00, 16/01, 37/01, 1/02, 17/06, 14/08, 91/15, 104/16, 34/18, 99/19, 4/21 i 6/23)

Co: Federalno ministarstvo finansija  
gosp. Toni Kraljević, ministar



**BOSNA I HERCEGOVINA  
FEDERACIJE BOSNE I HERCEGOVINE  
VLADA**

**PRIJEDLOG**

**ZAKON  
O IZMJENAMA I DOPUNAMA ZAKONA O DOPRINOSIMA**

**Sarajevo, februar 2025. godine**

## **PRIJEDLOG ZA DONOŠENJE ZAKONA PO SKRAĆENOM POSTUPKU**

Predlažemo da se Zakon o izmjenama i dopunama Zakona o doprinosima, donese po skraćenom postupku, u skladu sa članom 172. stav (1) Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08, 26/20 i 13/24) i članom 164. stav (1) Poslovnika o radu Doma naroda Parlamenta Federacije BiH ("Službene novine Federacije BiH", br. 27/03, 21/09, 24/20 i 60/24), koji predviđaju da se zakon može donijeti po skraćenom postupku kad nije u pitanju složen i obiman zakon.

**ZAKON  
O IZMJENAMA I DOPUNAMA ZAKONA O DOPRINOSIMA**

**Član 1.**

U Zakonu o doprinosima ("Službene novine Federacije BiH", br. 35/98, 54/00, 16/01, 37/01, 1/02, 17/06, 14/08, 91/15, 104/16, 34/18, 99/19, 4/21 i 6/23), u članu 7. u stavu (1), riječi: „Općim kolektivnim ugovorom“, zamjenjuju se riječima: „posebnim propisom“.

Stav (2) mijenja se i glasi: „Izuzetno, ukoliko je radnik u skladu sa propisima o radu, zaposlen na nepuno radno vrijeme do četiri sata ili manje, osnovica za obračun doprinosa je plaća, odnosno naknada plaće zaposlenika, u nepunom radnom vremenu, koja se isplaćuje srazmjerno ugovorenom radnom vremenu i ne može biti niža od 50% iznosa najniže plaće utvrđene posebnim propisom.

Stav (3) se briše.

Dosadašnji stav (4) postaje stav (3).

**Član 2.**

U članu 8. stav (3), riječi: „alineja 5.“, zamjenjuju se riječima: „alineja 6.“.

**Član 3.**

U članu 9. dodaje se novi stav (1) koji glasi:  
„Obaveza doprinosa vezana je uz period proveden u osiguranju i uz osnov osiguranja.“

Dosadašnji st. (1) i (2) postaju st. (2) i (3).

**Član 4.**

U članu 10. u tački 2., riječi: „ - 6,00% za penzijsko i invalidsko osiguranje,  
- 4,00% za osnovno zdravstveno osiguranje,“  
zamjenjuju se riječima: „ - 2,50% za penzijsko i invalidsko osiguranje,  
- 2,00% za osnovno zdravstveno osiguranje,“.

**Član 5.**

U članu 10b., riječi: „ - 23,00% za penzijsko i invalidsko osiguranje,  
- 16,50% za osnovno zdravstveno osiguranje,“  
zamjenjuju se riječima: „ - 19,50% za penzijsko i invalidsko osiguranje,  
- 14,50% za osnovno zdravstveno osiguranje,“.

## **Član 6.**

U članu 15. u stavu (1) iza tačke 1. dodaje se nova tačka 2. koji glasi:  
"2. poslodavac, ako obračuna i uplati doprinose suprotno odredbama člana 7.;"

Dosadašnje tač. 2. i 3. postaju tač. 3. i 4.

## **Član 7.**

Ovaj zakon stupa na snagu narednog dana od dana objavljivanja u "Službenim novinama Federacije BiH", a početak će se primjenjivati od 1. jula 2025. godine.

**OBRAZLOŽENJE**  
**PRIJEDLOGA ZAKONA O IZMJENAMA I DOPUNAMA ZAKONA O**  
**DOPRINOSIMA**

**USTAVNI OSNOV**

Ustavni osnov za donošenje Zakona o izmjenama i dopunama Zakona o doprinosima sadržan je u članu III.1 tačka c) Ustava Federacije Bosne i Hercegovine, koji je izmijenjen amandmanima VIII, LXXXIX i CVI i članu IV.A 20.(1) d) Ustava Federacije Bosne i Hercegovine, prema kojima je u isključivoj nadležnosti Federacije donošenje propisa o finansijama i fiskalna politika Federacije BiH, a Parlament Federacije BiH uz ostala ovlaštenja predviđena Ustavom, odgovoran je za donošenje zakona o vršenju dužnosti u federalnoj vlasti.

**RAZLOZI ZA DONOŠENJE ZAKONA**

Osnovni razlozi za donošenje Zakona o izmjenama i dopunama Zakona o doprinosima su sljedeći:

- Rasterećenje privrede i smanjenje troška plaća poslodavaca, posebno imajući u vidu poslodavce koji će u 2025. godini imati veći trošak plaća za zaposlenike kojim se isplaćuje plaća u skladu sa Odlukom o iznosu najniže plaće. Predloženim zakonskim rješenjem se smanjuje zbirna stopa doprinosa za 13,25%, odnosno za 5,50 indeksna poena tj. sa 41,50% na 36% (i to: stopa doprinosa za penzijsko i invalidsko osiguranje na teret poslodavca se smanjuje za 3,50 indeksna poena i stopa doprinosa za zdravstveno osiguranje na teret poslodavca se također smanjuje za 2 indeksna poena), te predstavlja dio seta fiskalnih mjera koje kroz svoje programe rada planira provesti Vlada Federacije Bosne i Hercegovine, a što se posebno odnosi na nove zakone o doprinosima i porezu na dohodak.
- Provođenje Presude Ustavnog suda Federacije Bosne i Hercegovine. Ustavni sud Federacije Bosne i Hercegovine je donio Presudu, broj: U-22/21 od 21.03.2023. godine, kojom je utvrdio da član 7. st. (2) i (3) Zakona o doprinosima ("Službene novine Federacije BiH", br. 35/98, 54/00, 16/01, 37/01, 1/02, 17/06, 14/08, 91/15, 104/16, 34/18, 99/19, 4/21 i 6/23) nije u skladu sa Ustavom Federacije Bosne i Hercegovine, kao i da je na osnovu člana IV.C.3.12.b) Ustava Federacije Bosne i Hercegovine utvrđeno prijelazno rješenje kojim je naloženo Parlamentu Federacije Bosne i Hercegovine da u roku od šest mjeseci od dana objavljivanja Presude u „Službenim novinama Federacije BiH“ uskladi odredbe Zakona iz tačke 1. dispozitiva Presude sa Ustavom Federacije Bosne i Hercegovine do kada se odredbe Zakona o doprinosima iz tačke 1. Presude mogu primjenjivati. Vlada Federacije Bosne i Hercegovine, Ured za saradnju i zastupanje pred Ustavnim sudom Bosne i Hercegovine, je svojim aktom broj: 02-1-05-134/21 od 27.04.2023. godine, zatražila poduzimanje potrebnih aktivnosti u cilju izvršenja predmetne Presude. Presuda je objavljena u „Službenim novinama Federacije BiH“, broj: 28/23 od 19.04.2023. godine. S tim u vezi, Predstavnički dom Parlamenta Federacije Bosne i Hercegovine je na 3. redovnoj sjednici donio Zaključak, broj: 01-02-1278/21 od 07.07.2023. godine, kojim je zadužen premijer Federacije Bosne i Hercegovine da u skladu sa

obavezama iz Ustava Federacije Bosne i Hercegovine osigura izvršenje navedene Presude i Dom naroda Parlamenta Federacije Bosne i Hercegovine je na drugoj sjednici donio Zaključak, broj: 02-02-1278/22 od 26.06.2023. godine, kojim je zadužen premijer Federacije Bosne i Hercegovine da u skladu sa obavezama iz Ustava Federacije Bosne i Hercegovine osigura izvršenje Presude. Prema preliminarnim procjenama, predložene izmjene i dopune Zakona imat će fiskalni utjecaj na budžet Federacije te se očekuje smanjenje prihoda po osnovu doprinosa u iznosu od 180 mil. KM.

Predmetne izmjene i dopune Zakona o doprinosima su razmatrane i obavljene su konsultacije na sjednici Ekonomsko-socijalnog vijeća.

## **USKLAĐENOST PROPISA S EVROPSKIM ZAKONODAVSTVOM**

Predmet uređivanja ovog Zakona nije usklađivanje sa propisima Evropske unije. Ne postoje direktive i uredbe EU koje reguliraju ovu oblast.

## **OBRAZLOŽENJE PREDLOŽENIH NORMI**

### **Član 1. (član 7. Zakona)**

S obzirom da se iznos najniže plaće više ne utvrđuje Općim kolektivnim ugovorom (od 2022. godine), nego na osnovu Uredbe o metodologiji izračuna i usklađivanja najniže plaće („Službene novine Federacije BiH“, broj: 106/21) i odluka Vlade Federacije Bosne i Hercegovine o iznosu najniže plaće za svaku kalendarsku godinu, predloženom izmjenom stava (1) je izvršeno usklađivanje teksta odredbe sa navedenim.

Predložena zamjena stava (2) i brisanje stava (3) je u skladu sa Presudom Ustavnog suda Federacije Bosne i Hercegovine, broj: U-22/21 od 21.03.2023. godine, kojom je utvrđeno da član 7. st. (2) i (3) Zakona, nije u skladu sa Ustavom Federacije Bosne i Hercegovine. Brisanjem st. (2) i (3) člana 7. Zakona, način utvrđivanja mjesečne osnovice i najniže mjesečne osnovice od strane nerezidentnog poslodavca izjednačava se sa načinom utvrđivanja istih od strane rezidentnog poslodavca.

Novim stavom (2) propisuje se osnovica za doprinose za lica koja rade u nepunom radnom vremenu (4 sata ili manje).

### **Član 2. (član 8. Zakona)**

Predloženom izmjenom stava (3) alineje 5. vrši se usklađivanje ove odredbe sa ranijom izmjenom člana 5. stav (3).

### **Član 3. (član 9. Zakona)**

Predloženim novim stavom (1) jasnije se definira obaveza doprinosa.



#### **Član 4. (član 10. tačka 2. Zakona)**

Predloženom izmjenom smanjuju se stope: doprinos za penzijsko i invalidsko osiguranje na teret poslodavca za 3,50 indeksnih poena i doprinosa za zdravstveno osiguranja na teret poslodavca za 2 indeksna poena, odnosno zbirna stopa doprinosa za 13,25%.

#### **Član 5. (član 10b. Zakona)**

Predloženom izmjenom smanjuju se stope: doprinos za penzijsko i invalidsko osiguranje za 3,50 indeksnih poena i doprinosa za zdravstveno osiguranja za 2 indeksna poena, odnosno zbirna stopa doprinosa za 13,25%, za samostalne poduzetnike.

#### **Član 6. (član 15. Zakona)**

Predloženom dopunom proširuju se kaznene odredbe na poslodavce koji izvrše obračun i uplatu doprinosa suprotno odredbama člana 7.

#### **Član 7.**

Odnosi se na stupanje na snagu Zakona i objavljivanje u "Službenim novinama Federacije BiH".

#### **FINANSIJSKA SREDSTVA**

Za provođenje ovog Zakona bit će potrebna dodatna novčana sredstva u Budžetu Federacije BiH.

**ZAKON O DOPRINOSIMA**  
(“Službene novine Federacije BiH“, br. 35/98, 54/00, 16/01, 37/01, 1/02, 17/06,  
14/08, 91/15, 104/16, 34/18, 99/19, 4/21 i 6/23)

**Odredbe Zakona koje se mijenjaju**

**Član 7.**

Osnovica iz člana 6. tač. 1. do 9. ovog zakona je plaća, odnosno naknada plaće zaposlenika, utvrđena u skladu sa zakonom ili drugim propisima, s tim da osnovica za obračun doprinosa ne može biti niža od najniže plaće utvrđene Općim kolektivnim ugovorom.

Osnovica iz člana 6. tač. 1. do 9. ovog zakona, za obveznika koji je na teritoriji Federacije zaposlen kod pravnog ili fizičkog lica - nerezidenta Federacije je njegova plaća, s tim da ta osnovica ne može biti niža od prosječne plaće zaposlenih na teritoriji Federacije, u skladu sa članom 6a. stav 2. ovog zakona.

Osnovica iz člana 6. tač. 1. do 9. ovog zakona, za obveznika koji je na teritoriji Federacije zaposlen kod humanitarne organizacije - nerezidenta Federacije je njegova plaća, s tim da ta osnovica ne može biti niža od prosječne plaće zaposlenih na teritoriji Federacije, u skladu sa članom 6a. stav 2. ovog zakona.

Za obveznika koji je u radnom odnosu sa poslodavcem - rezidentom Federacije, a koji je upućen na rad ili stručno usavršavanje u inostranstvo, kao i za obveznika zaposlenog u inostranstvu kod inostranog poslodavca, osnovicu doprinosa iz člana 4. tačka 1. ovog zakona čine lična primanja koja bi za istu vrstu posla ostvario u Federaciji, s tim da ta osnovica ne može biti niža od prosječne mjesečne plaće zaposlenih u Federaciji u skladu sa članom 6a. stav 2. ovog zakona.

**Član 8.**

Osnovicu doprinosa iz člana 4. stav 2. tačka 2. ovog zakona čini plaća i druga lična primanja radnika u radnom odnosu kod pravnih ili fizičkih lica - rezidenata Federacije i s njima izjednačenih osiguranika, iz čl. 6. i 7. ovog zakona.

Osnovica za obračun doprinosa poduzetnika je:

- a) množenik prosječne plaće iz člana 6a. stav 2. i koeficijenta 1,1 ukoliko poduzetnik na osnovu obavljanja samostalne djelatnosti slobodnog zanimanja, prema propisima o porezu na dohodak, dohodak sa tog osnova utvrđuje na osnovu poslovnih knjiga, u skladu sa propisima o porezu na dohodak;
- b) množenik prosječne plaće iz člana 6a. stav 2. i koeficijenta 0,65 ukoliko poduzetnik na osnovu obavljanja samostalne djelatnosti obrta, u skladu sa propisima o porezu na dohodak, dohodak utvrđuje na osnovu poslovnih knjiga;
- c) množenik prosječne plaće iz člana 6a. stav 2. i koeficijenta 0,55 ukoliko osiguranik na osnovu obavljanja samostalne djelatnosti obrta ili samostalne djelatnosti slobodnog zanimanja, u skladu sa propisima o porezu na dohodak, porez na dohodak sa tog osnova plaća prema paušalno utvrđenom dohotku;

- d) izuzetno, množenik prosječne plaće iz člana 6a. stav 2. i koeficijenta 0,25 za poduzetnike koji samostalno obavljaju privrednu, profesionalnu ili drugu djelatnost kao osnovno zanimanje, za nisko akumulacijske djelatnosti tradicionalnih esnafskih zanata utvrđene posebnim propisom i taksi djelatnosti, ukoliko osiguranik na osnovu obavljanja samostalne djelatnosti obrta, u skladu sa propisima o porezu na dohodak, porez na dohodak sa tog osnova plaća prema paušalno utvrđenom dohotku;
- e) množenik prosječne plaće iz člana 6a. stav 2. i koeficijenta 0,25 ukoliko poduzetnik na osnovu obavljanja djelatnosti poljoprivrede i šumarstva ne plaća porez na dohodak ili ukoliko porez na dohodak plaća prema paušalno utvrđenom dohotku;
- f) množenik prosječne plaće iz člana 6a. stav 2. i koeficijenta 0,29 ukoliko poduzetnik na osnovu obavljanja djelatnosti poljoprivrede i šumarstva porez na dohodak, dohodak sa tog osnova utvrđuje na osnovu poslovnih knjiga, u skladu sa propisima o porezu na dohodak;
- g) množenik prosječne plaće iz člana 6a. stav 2. i koeficijenta 0,29, ukoliko poduzetnik na osnovu obavljanja djelatnosti trgovca pojedinca koji je upisan u odgovarajući registar i dohodak sa tog osnova utvrđuje na osnovu poslovnih knjiga, u skladu sa propisima o porezu na dohodak.

Osnovica doprinosa za obveznike iz člana 5. stav 3. alineja 5. su primanja koja se isplaćuju fizičkim licima - rezidentima na osnovu drugih vrsta samostalnih djelatnosti i povremenog nesamostalnog rada.

Doprinosi iz st. 1., 2. i 3. ovog člana imaju karakter troškova poslovanja.

Doprinosi iz člana 4. stav 2. tačka 3. ovog zakona, obračunavaju se na osnovicu utvrđenu u skladu sa propisima iz oblasti penzijskog i invalidskog osiguranja, zdravstvenog osiguranja i osiguranja od nezaposlenosti.

### **Član 9.**

Doprinosi iz člana 4. stav 2. tač. 1. i 2. ovog Zakona ne plaćaju se na ostala primanja i naknade iz radnog odnosa na koja se ne plaća porez na dohodak, u skladu sa propisima o porezu na dohodak.

Izuzetno, doprinosi iz člana 4. stav 2. tačka 3. ovog zakona, za pojedine kategorije osiguranika obuhvaćene stavom 1. ovog člana, plaćaju se u skladu sa propisima o penzijskom i invalidskom osiguranju, zdravstvenom osiguranju i osiguranju od nezaposlenosti.

### **Član 10.**

Najviše stope doprinosa prema osnovici su:

1. na teret obveznika doprinosa iz osnovice (član 6. tač. od 1. do 10., tačka 12. i član 7.):
  - 17,00% za penzijsko i invalidsko osiguranje,
  - 12,50% za osnovno zdravstveno osiguranje,
  - 1,50% za osiguranje od nezaposlenosti;
2. na teret poslodavca na osnovicu (član 6. tač. od 1. do 10., tačka 12. i član 8.):
  - 6,00% za penzijsko i invalidsko osiguranje,
  - 4,00% za osnovno zdravstveno osiguranje,

- 0,50% za osiguranje od nezaposlenosti;
- 3. na osnovicu, za dodatni doprinos za penzijsko i invalidsko osiguranje i to:
  - a) 2,00% za osiguranike raspoređene na radno mjesto na kojem se 12 mjeseci efektivnog rada računa kao 14 mjeseci staža,
  - b) 3,00% za osiguranike raspoređene na radno mjesto na kojem se 12 mjeseci efektivnog rada računa kao 15 mjeseci staža,
  - c) 6,00% za osiguranike raspoređene na radno mjesto na kojem se 12 mjeseci efektivnog rada računa preko 15 mjeseci staža.
- 4. Poseban doprinos za zdravstveno osiguranje, za zdravstvenu zaštitu u inozemstvu, iz člana 7. stav 4. ovog Zakona odredit će Vlada Federacije BiH, na prijedlog Federalnog ministarstva finansija.

#### **Član 10b.**

Izuzetno, doprinosi prema osnovici iz člana 8. stav 2. obračunavaju se na osnovicu po stopama:

- 23,00% za penzijsko i invalidsko osiguranje,
- 16,50% za osnovno zdravstveno osiguranje,
- 2,00% za osiguranje od nezaposlenosti.

#### **Član 15.**

Novčanom kaznom u iznosu od 2.000,00 KM do 10.000,00 KM kaznit će se za prekršaj:

1. poslodavac, ako ne obračuna doprinose pri obračunu plaće, a najkasnije do posljednjeg dana u mjesecu u kojem je plaća dospjela za isplatu (član 11. st. 4. i 5.);
2. obveznik, fizičko lice, ako doprinose ne obračuna do 10. dana u mjesecu za prethodni mjesec (član 11. st. 1. b) i c));
3. isplatilac primanja od druge samostalne djelatnosti ili od povremenog nesamostalnog rada, ako ne obračuna doprinose prije isplate primanja osiguraniku (član 11. stav 7.).

Novčanom kaznom u iznosu od 500,00 KM do 2.000,00 KM kaznit će se za prekršaj iz stava 1. ovog člana i odgovorno lice u pravnom licu.

o izvođenju investicijskih radova u inozemstvu, ali samo po završetku radova po sklopljenom ugovoru za čije su ostvarenje ta sredstva pribavljena.

#### Članak 47.

Domaće osobe koje izvode investicijske radove u inozemstvu mogu devizama iz članka 48. ovoga zakona plaćati u inozemstvu sve materijalne troškove koji su povezani s pripremom i obavljanjem ugovorenog posla.

#### Članak 48.

Domaće osobe koje izvode investicijske radove u inozemstvu du ne su nakon završetka tih radova devize s računa kod inozemne banke prenijeti na račun domaćih banaka u roku predviđenom u članku 40. stavak 1. ovoga zakona, računajući od dana završetka investicijskih radova.

Danom završetka ugovorenih radova za nositelja posla na objektu u inozemstvu, u smislu ovoga zakona, smatra se dan naplate tih radova utvrđen ugovorom.

Ako su s naručiteljem investicijskih radova ugovoreni garantni rokovi i ako je naručitelj zadržao ugovorene garantne iznose, kao garanciju za ispravnost obavljenih radova, domaća osoba du na je te iznose prenijeti na račune kod domaćih banaka u roku 60 dana od dana protoka garantnog roka.

#### Članak 49.

Prodavatelji robe i usluga mogu prihvatiti da im strane fizičke osobe plaćaju robu i usluge novčanim karticama i čekovima stranih banaka, a u slobodnim carinskim prodavaonicama i stranim efektivnim novcem ako ovim zakonom nije drukčije određeno.

Ministarstvo mo e propisati način i uvjete naplate iz stavka 1. ovoga članka.

#### Članak 50.

Ministarstvo mo e prema općim uvjetima što ih utvrdi Vlada posebnom odlukom, odobriti domaćoj osobi držanje deviza na računima kod banaka u inozemstvu za materijalne troškove poslovanja, kao i za potrebe redovitog obavljanja vanjskotrgovinskih poslova u inozemstvu.

#### Članak 51.

Domaće osobe su du ne voditi evidenciju o svakom sklopljenom vanjskotrgovinskom poslu i kreditnom poslu s inozemstvom, te o izvršenju tih poslova.

Ministarstvo propisuje način i sadržaj vođenja evidencije iz stavka 1. ovoga članka.

#### Članak 52.

Domaće osobe du ne su Ministarstvu dostavljati izvješća o prometu i stanju sredstava na računima u inozemstvu i kontokorrentnim računima, na način i u rokovima što ih Ministarstvo utvrdi posebnom odlukom.

#### Članak 53.

Ministarstvo mo e propisati način obavljanja platnog prometa s inozemstvom vođenje deviznog računa i deviznog štednog uloga u Federaciji, te davati obvezne upute radi jedinственог obavljanja platnog prometa.

#### Članak 54.

Banke dr e devizne račune kod banaka u inozemstvu.

Devize sa računa iz stavka 1. ovoga članka koriste se sukladno ovom zakonu.

Radi održavanja minimalne likvidnosti u plaćanjima sa inozemstvom Ministarstvo mo e propisati najmanji iznos deviza što ga banke moraju držati na računima u inozemstvu.

Banke su du ne Agenciji dostavljati izvješća o prometu stanja na deviznim računima kod stranih banaka u rokovima i na način što ih utvrdi Agencija.

#### Članak 55.

Banke mogu deponirati devize kod domaćih banaka s tim da se na deponirana devizna sredstva mo e plaćati kamata i u devizama.

Banke mogu kupovati i prodavati devize i na inozemnom deviznom tržištu.

#### Članak 56.

Banke mogu odobravati devizne kredite domaćim pravnim osobama radi plaćanja u inozemstvu s tim da se na odobreni devizni kredit mo e plaćati kamata i u devizama.

Vlada, na prijedlog Ministarstva, propisuje namjenu i uvjete uz koje se mogu odobravati ovi krediti.

Ministarstvo mo e utvrditi način i rokove izvješćavanja o odobrenim kreditima.

#### Članak 57.

Strana valuta i vrijednosni papiri koji glase na stranu valutu unose se u Federaciju slobodno.

#### Članak 58.

Iznošenje efektnog stranog novca, vrijednosnih papira i vrijednosnica koje glase na strana sredstva plaćanja obavlja se pod uvjetima koje propiše Ministarstvo.

#### Članak 59.

Prava, obveze i poslovi zaključeni u Federaciji, između domaćih pravnih i fizičkih osoba, kao i domaćih fizičkih i stranih osoba mogu se izražavati i izvršavati i u stranim sredstvima plaćanja, pod uvjetima propisanim zakonom.

Uvjete iz stavka 1. ovoga članka propisuje Vlada na prijedlog Ministarstva.

### V - KONTROLA

#### Članak 60.

Pod kontrolom, u smislu ovog zakona, podrazumijeva se provjera primjene zakona i drugih propisa iz oblasti deviznog i vanjskotrgovinskog poslovanja, kreditnih poslova sa inozemstvom, obavljanja gospodarske djelatnosti u inozemstvu i carinskih poslova, kao i poduzimanje mjera u slučaju povrede ovih propisa.

Poslove kontrole obavljaju nadležna federalna ministarstva i drugi federalni organi uprave u okviru svojih prava i obveza propisanih zakonom.

#### Članak 61.

Federalna ministarstva i drugi federalni organi uprave, u okviru svoje nadležnosti, vrše kontrolu deviznog i vanjskotrgovinskog poslovanja i kreditnih poslova sa inozemstvom poduzeća i svih oblika obavljanja gospodarske djelatnosti u inozemstvu, Federacije, upanija-kantona, općina, gradova i njihovih tijela i institucija, fondova i drugih pravnih i fizičkih osoba.

### VI - KAZNE ODREDBE

#### Članak 62.

Novčanom kaznom od 5.000 do 25.000 KM kaznit će se za privredni prijestup pravna osoba:

1. ako kupuje i prodaje devize izvan deviznog tržišta ili obavlja mjenjačke poslove suprotno odredbama (čl. 10., 11. i 15.) ovog zakona;
2. ako kupuje i prodaje devize i obavlja mjenjačke poslove po deviznom tečaju suprotno odredbi članka 16. ovog zakona;
3. ako dr i devize na računu u inozemstvu bez odobrenja Ministarstva ili suprotno tom odobrenju (članak 50.);
4. ako platni promet sa inozemstvom ne obavlja preko banaka (članak 7.) ili ga obavlja na način suprotan odredbi članka 36.;
5. ako izvrši prijeboj dugovanja i tražbina sa inozemstvom bez odobrenja Ministarstva ili suprotno tom odobrenju (članak 36.);
6. ako ne naplati izvezenu robu i izvršenu uslugu u rokovima propisanim odredbama članka 38. ovog zakona;
7. ako plaćenu robu ne uveze odnosno usluge ne realizira u roku od 90 dana od dana kada je banka izvršila nalog za plaćanje prema inozemstvu (članak 39.);
8. ako obavi plaćanje stranoj osobi u inozemstvo suprotno odredbi članka 40. ovog zakona;

9. ako plaćanje i naplatu obavi u efektivnom stranom novcu ili u valuti koja se ne može transferirati bez odobrenja Ministarstva ili suprotno tom odobrenju (članak 41.).

Novčanom kaznom od 500 do 5.000 KM kaznit će se za prekršaj prijestup iz stavka 1. ovog članka i radnik sa posebnim ovlastima u pravnoj osobi.

#### Članak 63.

Novčanom kaznom od 1.000 do 5.000 KM kaznit će se za prekršaj pravna osoba:

1) ako potraži saldo na tekućem računu ne izmiri sukladno čl. 42. i 43. ovog zakona.

Novčanom kaznom od 200 do 2.000 KM kaznit će se za prekršaj iz stavka 1. ovog članka i osoba sa posebnim ovlastima u pravnoj osobi.

#### Članak 64.

Novčanom kaznom od 200 do 2.000 KM kaznit će se za prekršaj domaća i strana fizička osoba.

1) ako iznosi domaću valutu iz države i unosi domaću valutu u državu suprotno propisu,

2) ako iznosi domaću valutu, vrijednosne papire i vrijednosnice putem poštanskih pošiljki suprotno odobrenju Ministarstva,

3) ako iznosi efektivni strani novac, vrijednosne papire i vrijednosnice suprotno propisu,

4) ako kupuje i prodaje devize i vrši mijenjačke poslove suprotno odredbama čl. 10., 11. i 15. ovog zakona.

### VII - ZAVRŠNE ODREDBE

#### Članak 65.

Na pitanja koja nisu uređena ovim zakonom odnosno, koja su uređena drugačije u odnosu na zakone i druge propise Bosne i Hercegovine, primjenjuju se odgovarajuće odredbe zakona i drugih propisa Bosne i Hercegovine.

#### Članak 66.

Danom stupanja na snagu ovog zakona, na teritoriji Federacije, prestaje primjena zakona i drugih propisa iz oblasti deviznog poslovanja koji su se primjenjivali do dana stupanja na snagu ovog zakona.

#### Članak 67.

Ovaj zakon uskladit će se sa odredbama odgovarajućeg zakona koji donese Parlamentarna skupština Bosne i Hercegovine u roku koji bude određen tim zakonom.

#### Članak 68.

Ovaj zakon stupa na snagu osmog dana od dana objave u "Službenim novinama Federacije BiH".

Predsjedatelj  
Doma naroda Parlamenta  
Federacije BiH  
Mariofil Ljubić, v. r.

Predsjedatelj  
Zastupničkog doma  
Parlamenta Federacije BiH  
Enver Kreso, v. r.

248

Na osnovu člana IV. B, 7. a) (IV) Ustava Federacije Bosne i Hercegovine, donosim

### UKAZ

#### O PROGLAŠENJU ZAKONA O DOPRINOSIMA

Proglašava se Zakon o doprinosima koji je usvojio Parlament Federacije Bosne i Hercegovine na sjednici Predstavničkog doma od 8. 9. i 29. jula 1998. godine i na sjednici Doma naroda od 30. jula 1998. godine.

Broj 01-011-560/98  
25. augusta 1998. godine  
Sarajevo

Predsjednik  
Federacije BiH  
prof. dr Ejup Ganić, s. r.

## ZAKON O DOPRINOSIMA

### I - OPŠTE ODREDBE

#### Član 1.

Ovim zakonom uređuje se sistem obaveznih doprinosa, kao osnovnih instrumenata za finansiranje obaveznog: penzijskog i invalidskog osiguranja, zdravstvenog osiguranja i osiguranja od nezaposlenosti (u daljem tekstu: doprinosi), kao i gornja granica stopa doprinosa na teritoriji Federacije Bosne i Hercegovine (u daljem tekstu: Federacija).

Stope doprinosa utvrđuju nadležni organi, s tim da visina stopa ne može biti veća od visine stopa propisanih ovim zakonom.

#### Član 2.

Doprinosi i drugi izvori sredstava koji nisu obuhvaćeni ovim zakonom, za finansiranje prava iznad obaveznog nivoa iz oblasti penzijskog i invalidskog osiguranja, zdravstvenog osiguranja i osiguranja od nezaposlenosti, utvrđuju se u skladu sa federalnim zakonima iz tih oblasti i propisima donesenim na osnovu tih zakona.

Za provođenje socijalne politike i formiranja službi socijalne zaštite, u okviru sistema, instrumenata i nadležnosti utvrđenih ovim zakonom i propisima iz stava 1. ovog člana, nadležni su kantoni- uprave i zakonom određeni organi nosilaca osiguranja.

#### Član 3.

Doprinosi su prihod nosilaca osiguranja.

### II - VRSTE DOPRINOSA

#### Član 4.

Doprinosi se obračunavaju i plaćaju:

1. iz ličnih primanja i drugih prihoda osiguranika;
2. na isplaćena lična primanja na teret poslodavca;
3. iz drugih izvora, koje obezbjeđuju obveznici obračunavanja i uplate doprinosa u skladu sa propisima iz oblasti penzijskog i invalidskog osiguranja, zdravstvenog osiguranja i osiguranja od nezaposlenosti.

### III - OBVEZNICI DOPRINOSA

#### Član 5.

Obveznik doprinosa iz člana 4. tačka 1. ovog zakona je fizičko lice - rezident Federacije:

- koje je na teritoriji Federacije u radnom odnosu kod pravnog ili fizičkog lica - rezidenta Federacije;
- koje je izabrano ili imenovano na javnu ili drugu dužnost i za obavljanje te dužnosti ostvaruje plaću ili drugu naknadu koja se tretira kao plaća;
- koje je na teritoriji Federacije zaposleno kod pravnog ili fizičkog lica - nerezidenta Federacije, međunarodne organizacije i ustanove ili stranog diplomatskog i konzularnog predstavništva, ako međunarodnim ugovorom nije drugačije određeno;
- koje je od strane pravnog ili fizičkog lica - rezidenta Federacije, kod kojeg je u radnom odnosu, upućeno na rad ili stručno usavršavanje u inostranstvo, ako nije obavezno osigurano po propisima države u koju je upućeno ili ako međunarodnim ugovorom nije drugačije određeno;
- koje je zaposleno u inostranstvu kod inostranog poslodavca, ako nije obavezno osigurano kod inostranog nosioca socijalnog osiguranja;
- koje samostalno obavlja privrednu, profesionalnu ili drugu djelatnost kao osnovno zanimanje;
- koje ostvaruje prihod od autorskih prava, a koje nije obavezno osigurano po drugom osnovu;
- koje se bavi zemljoradnjom kao jedinim ili glavnim zanimanjem;